

Na osnovu člana 3. stav (1) Zakona o naknadama za korištenje podataka i vršenje usluga u oblasti premjera i katastra nekretnina ("Službeni list SRBiH", br. 35/85 i 12/87 i "Službeni list R BiH", br. 4/93, 21/93 i 13/94), koji se u skladu sa članom IX. 5. (1) Ustava Federacije Bosne i Hercegovine, primjenjuje kao federalni zakon, i člana 19. stav (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 311. sjednici, održanoj 14.04.2022. godine, donosi

**ODLUKU
O NAKNADAMA ZA VRŠENJE USLUGA IZ OBLASTI
PREMJERA I KATASTRA**

I.

Ovom odlukom utvrđuje se visina naknade za vršenje usluga iz oblasti premjera i katastra nekretnina, katastra zemljišta i popisnog katastra (u daljem tekstu: naknada za vršenje usluga).

II.

Naknada za vršenje usluga iz tačke I. ove odluke plaća se u visini određenoj Tarifom naknada za vršenje usluga iz oblasti

premjera i katastra, koja se nalazi u prilogu ove odluke i čini njen sastavni dio.

III.

Naknada za vršenje usluga uplaćuje se na depozitne račune federalnog, kantonalnog, gradskog i općinskog budžeta, u ovisnosti za kojeg davaoca usluga je namijenjena, sa naznačenom vrstom prihoda 722516.

IV.

Danom stupanja na snagu ove odluke, prestaje da važi Odluka o naknadama za vršenje usluga iz oblasti premjera i katastra ("Službene novine Federacije BiH", broj 49/15).

V.

Ova odluka stupa na snagu osmog dana od dana objavljivanja u "Službenim novinama Federacije BiH".

V. broj 505/2022
14. aprila 2022. godine
Sarajevo

Premijer
Fadil Novalić, s. r.